



Gwich'in kat chit nilii chan gwit Northwest Territory geenjit chit nilii kat nihkhah ginjih eenjit Ɂigiljil

YELLOWKNIFE<NT (April 29, 2022) iisrits'at chit nilii Caroline Cochrane, gah gwats'aii chit nilii kat, Dianne Archie, R.J. Simpson, Shane Thompson, Caroline Wawzonek, gah vizhuu Finnegan, Paulie Chinna. Aii gah chan Julie Green, jii kat at'at nihkwichit kat hah Ɂigiljil. Gwich'in Tribal Council kat eenjit iisrits'at chit nilii Ken K'i'k'avihchik, gah anjoo kat, Ernest Vittrekwa ts'at vitr'iinjoo Alice Vittrekwa, gah chan k'eejit ihlee, Kimberley Campbell, Nihtat Gwich'in Council kat enjit iisrits'at chit nilii, Kelly McLeod ts'at yah nijilzhii kat, Chris Smith ts'at Barry Greenland hah; Teetli't Gwich'in Council kat eenjit iisrits'at chit Abe Wilson, gah chan gwats'at nuu nilii, Grace Martin; Gwichyah Gwich'in Council kat eenjit iisrits'at chit eenjit nadhat, Mavis Clark aii gah gwats'at nuu nilii, Angela Koe; Aii gah chan Ehdiiat Gwich'in Council kat eenjit iisrits'at chit nilii, Michael Greenland. Jii kat tthak at'at Srii Tsoo Kaiik'it gwizhit nihkhah April 29, 2022 dai' ginjih hah Ɂigiljil gugwiłtsaii.



Jidii nihk'ijihkkeh ts'at zhat gweedi' gwit'agwahdahch'aa giiniindhan geenjit nihkhah ginjih gałtsaii.

- Tr'oochit goonlii at'at jii ts'ik niint'aii COVID-19 diitat nahdaath'ak nits'oo veenjit adak'atr'ahnaatyaa aii ganagigeedi'. Nihkhan aii ts'ik dadi'ii geenjit diiyah gugwaandak, aii guk'iighe' a'tat gwiyeendoo leih kwaa kat giyyah anhts'ik ginuh. Jii gugwinah'ii guk'iighe' chan yeendoo ihlat gugoontrii diidivee ji' juu digoonch'uu ts'at gah gwitr'it gwaatsii ji' duuleh gwiheezaa giiniindhan.
- Nihwikaiik'it gwidi' at'aownyaanch'uu zheh gwiinzii srigoojaadhan gwizhit

t'iheech'aa chan gagigihe'. Nakhwah gwich'in kat gwiinzii gagoovooniltyin ji' at'at adaganh gwiinleii gwizhit nikhweenjit gwitr'it gugwahahtsah. Nits'oo zheh tr'igwahtsii, nits'oo gwit'agwii'ee dai' sreetr'igwilik, aii gehghee ts'at chan zheh geenjit nihlinehch'i' chit nilii, gweedi' ts'at yeenji' gwats'at chit nilii kat hah legwiinaadhan ts'at nihzrii ndoo geedaa ji' at'at tthak diits'at tr'iinjii nizii giheelyaa. Nijin diilak nilii kat igwijiiich'uu gik'igaanjii dai' at'at googwitr'it gwiintl'oh gwiinzii ts'at diikaiik'it gwizhit gwiintl'oh goot'agwijanhch'uh. Aii geenjit nikhwichit nilii kat juu digoonch'uu ts'at nihkhah ginjih eenjit linagaadal, gwiintl'oh gwiinzii.

- Dinjii datthak srii gwindaih giheedi'iaa geenjit chan juu idinii goo agoondaih iizuu oonjii kat eenjit chan anihlik zheh goodlii danh goots'at tr'iheedandal geenjit neegadadal Nikhwikaiik'it danh Gwich'in kat eenjit Srii Gwandaih Zheh gitr'ahnua danh zrit juu digwidi'ii.
- Diinanhkak diilak kat gwitr'it gwizhit ndoo adagahdaazhaa geenjit jii nikhwinan eenjit sridatr'igwijiinlik dai' dinehtl'eh tr'ahtsaii zhit chapter 10 danh gwizhit iisrits'at geenjit gwidinthatl'oo tr'igwinah'ih.
- Diinanhkak gwiinchii gwi t'agwijanhch'uu geenjit nanhkak dachan nihlinehch'i' goonlii aii gah nin at'aownyaanch'uu gwiinzii eedootr'idinaatan ji' gwit'agwahdahch'aa gwiheelyaa. Yeenoo gwats'at diigwinii'ee tr'igwichil'ee ji' gwiheezaa, aii geenjit at'at nikhwilak kat linagaadal danh gagigiikhih.
- Jii nikhwinagoo'ee nan nichii, aii kak datthak ts'at gwiinzii nihkhah gwihiidandaii gadiinjigwidizhit, geenjit at'at United Nations goovaazhii kat ginjih niint'aii gahtsaii. Jii at'at iisr'its'at dinjii zhuh goo dinjii zraii nilii kat hah gwiinzii gwitr'it gwahaatsaa geenjit juu digweedi'i'. Jii geenjit at'at jii gweedi' ehdiitat ts'at gwinagoo'ee gwizhit nikhwichit nilii chan gwit yeenji' gwats'at chit kat hah ligwiinaadhan ts'at ginjih hah nihkhan nihkhah neegadadal gongagintih.

Nikwhikaiik'it gwats'at anjoo neekanh kat, Alice Vittrekwa chan gwit vidinjii Ernest Vittrekwa hah izhik hitr'iljil danh ginjih nizii gahtsaii. Akoo diginuu zrit nijin juu digoonch'uu nihkhah ginjih tr'ahtsaii dai' gwiinzii ts'at nihlitr'ichil'ee, nihlitr'oodhilch'eii ts'at viich'oo ehdan ginjih tr'ahtsaii dai' loohah gwit'agwijanhch'uu ginuh. Izhik danh chan nagwidadhat dang gwindoo juu ts'anh ts'at linagahaadaa geenjit srinadagugwijiinlik.

Jidii Ch'igwijuu'ee Goonlii Gwaatsii

- Jii gweedi' ts'at yeenji' gwats'at nihkhah jilch'eii kat ch'igwijuu'ee ts'at digiginjikk'agahnahtyaa gwinjik gwitr'it gugwahtsii goonkagintih.
- Khaii gwigtagwinyaanch'uu nihkhah gahdaach'aa gugwiltasii, aii ekhe'gugoohideenjah kwaa geenjit guk'aginahtih.
- Jii nits'oo srigwaanjik at'at October, 2012 dai' tr'oochit geenjit digoozri' niginiinlih, aii tl'ee chan May 2017 ts'at juk sreendit April nanh, 2022 chan geenjit akoo dinageedi'i'.

Tth'aih hee dagwidi'ii gwiinzii gahviidandai' nohthan ji', jii dinjii neekanh kat duuleh goots'at ginohkhih :

Todd Sasaki, Government kat eenjit Manager nilii, tl'yah eenjit vi'ihdichii zrit
867-9168 gah 15015.
Aii gehghee ts'at chan e-mail hohtsaa ji'
Todd_sasaki@gov.nt.ca

Tom Weegar vaazhii chan Gwich'in Tribal Council kat hah nilii, vi'ihdichii,
867-777-7927
e-mail eenjit chan,
tom.weegar@gwichintribal.ca